

Convocatoria de axudas 2015-2017 (DOG 16/06/2015) para o desenvolvemento de proxectos de prevención de drogodependencias e condutas adictivas

O 16 de xuño de 2015 publicáronse no DOG as ordes nas cales se establecen as **bases reguladoras para o cofinanciamento de proxectos de prevención de drogodependencias** desenvolvidos por concellos, agrupacións ou mancomunidades de concellos, así como por entidades privadas sen ánimo de lucro da Comunidade Autónoma de Galicia.

En total, o **investimento** previsto para os anos 2015, 2016 e 2017 ascende a 2.701.352 euros, dos cales 1.203.000 euros corresponden ás entidades privadas e 1.498.352 euros son para os concellos.

O desenvolvemento destas actuacións ten por obxectivo promover a adopción de estilos de vida saudables e de ocupación do tempo libre entre os adolescentes e mozos galegos, ademais de potenciar, nos diversos colectivos nos cales se intervén, factores de protección e reducir o impacto de determinados factores de risco asociados ao consumo de drogas. Tamén que outros colectivos implicados na prevención, como familiares ou docentes, funcionen como axentes de saúde.

Novidades

- As ordes pasan a ter un carácter bianual (25 meses ao longo de 3 exercicios). Así, redúcese as cargas administrativas e increméntase a estabilidade dos equipos preventivos.
- Ademais, introdúcese a posibilidade de que as entidades solicitantes incrementen a porcentaxe de cofinanciamento (o mínimo segue a ser 5%), fomentándose que as entidades locais integren a prevención na súa planificación estratéxica con carácter estable. Deste xeito enriquecése a valoración técnica dos proxectos presentados e foméntase o espírito de cofinanciamento das bases reguladoras.
- Doutra banda, no caso dos concellos, engadíronse dos novos criterios de baremación (a porcentaxe de cofinanciamento e o custo medio por programa e 1.000 habitantes) e, no caso das ONG, un novo criterio (a porcentaxe de cofinanciamento).
- En ambas as dúas ordes se modificou o cálculo das contías das subvencións para facelo máis sinxelo e simplifícouse a documentación solicitada ás entidades beneficiarias, co obxecto de reducir a carga administrativa derivada da tramitación das subvencións.

LIGAZÓNS ÁS ORDES NO DOG

Orde de Concellos (2015-17) 

Orde de entidades privadas (2015-2017) 

CONTIDOS RELACIONADOS

Procesos preventivos en materia de prevención de drogodependencias (carteira de servizos)

Plan de Trastornos Adictivos 2011-2016

Convocatoria 2014-2015

Sede electrónica - Entidades privadas sen ánimo de lucro 	>
Información e solicitude da subvención para entidades privadas sen ánimo de lucro	
Sede electrónica - Concellos 	>
Información e solicitude da subvención para concellos	